

武城曾氏重修族譜
譜者家書也率族念祖同歸
省身無譜聯屬族也而途人
之矣雖勵其孝無辱先而泛
不切已鮮不對面千山若以
共譜之人率念共祖之訓者
則大有異焉昔我

宗聖公三省誠身一唯傳道孝
經大學其義宏深而其中訓
行道訓齊家總在立身修身
者恐人忝生辱先而不孝也
海內讀其書者無不祖之宗
之矧為其後顧可不念其祖
與然率乃攸行之達人亦疊

起矣再傳元申華三傳西四
傳欽五傳平海侯尋八傳尚
書令煒皆以孝行稱天下十
五傳闕內侯據移孝作忠以
節傲新莽挈族徙吳之吉陽
此不辱身即不辱先者也是
吾祖之道又南行矣年愈久

衍愈繁由吉陽而楚廣閩浙
川雲貴省其間忠孝節義道
德文章具體而微之輩史志
班班然終不離以孝立其本
者近是嘉靖間好古公余房
脉祖也奉

白東歸就職翰博廣文綏公每稱

其為顯親之孝自是以來沐
皇恩屢世其官者壹是皆以勵孝
追前為本雍正乙巳匾

賜省身念祖四字是吾家之孝德
得煌煌

天語獎許而更震矣迨至余身敢
謂無忝所生第經言守富守

貴在乎不濫不危者亦嘗戰
兢自惕焉歲戊午與雩臺商
新總譜雩臺名衍詠居楚之
寧鄉為廣文綏後麻田房也
御史慶生二子長偉次駢偉
後衍麻田駢後衍嘉祥萬歷
間雖他有故而余兩房之先

人素友愛勵孝行屢成總譜
今雩臺既修總廟於楚省又
率各房宮紳與余及余子州
判傳錫余孫翰博紀連鋤異
校真正訛補缺幾易裘葛將
舊譜而新之是又結一重翰
墨綵共相勵為孝行者也幸

事集矣披覽下渙者萃萃者
親親者固由是聚遐邇如一
室率合族之身共念一祖之
訓而省之其勇往奮發自必
大異尋常夫士人居恒讀書
遇古人事之可傳興夫已分
之所當為者每歛欽仰慕而

不焚甚或力有不足將伯相
呼而歆為况共吾祖若宗也
哉况共為其子若孫也哉心
正身修身修家齊此吾家大
學之教由立身以事親由事
親以事君此吾家孝經之教
陰光子曰知之者得祖分付

不知者對面千山又曰道遠
乎哉觸事而真聖遠乎哉體
之則神勉旃族子以吾曾氏
之人讀吾曾氏之書守吾曾
氏之教省吾曾氏之身祇求
諸已而不求諸人也果能惟
日省之是無辱先忝為

宗聖之後即無負我

聖朝博士有嚴差徭優免之作育
也則共吾譜之人無不知而
皆知之無千山而皆分付其
為念祖也亦已多矣寧不快
哉余與雩臺修譜之意諄諄
在此爰書簡端以屬望

皆在

皇清嘉慶十一年丙寅夏五吉旦

世襲翰林院五經博士

勅授文林郎六十九派宗子毓墀

注瀛甫沐手敬撰